

戎策談兵

卷四
卷五
上



戊笈談兵卷之四

新安汪 紱著

平江蔡紹宗參

宇內輿圖第六笈

汪雙池曰宇宙亦大矣哉而儒者極文之弘則必經天緯地之云焉故禹貢載於夏書職方掌自周禮蟲圖魚冊自昔然也顧自人皇畫野以後地輿非異而因革變遷則九土而九州九分二十二復九此并彼分凡爲四十郡爲十三部爲十九州爲十衛爲十五路爲十六省又其間勃海東支黃河南徙南羸北羨今古異形則考

之爲難又漠北窮廬海南謁譯足迹罕及言人人殊則
考之益難鳥道句股幅員犬牙原地里歎而實羸山土
里羸而實歎南越西蜀丸彈之遙爲途千里則畫之爲
尤難夫聚米爲山而形勢在目袖圖以授而攻取定謀
輿圖之係不誠偉哉但以尺幅囊宇宙而又兼此三難
煩失之淆簡歸於略欲畫地者比之畫天爲更不易也
余家世好古又承先太傅之後凡夫天文地輿皆舊
有藏書顧少不更事兼以貧困凡所藏書都就散失賴
少所觀覽猶能記憶又以

國朝因革或與明殊爰于友人博借今本又搜斷簡印以

舊聞參互攷訂以著是笈如左

一著幅幘賦

一著人皇畫野圖

一著虞舜十二州禹貢九州五服圖

一著周禮職方九州九畿圖

一著春秋列國圖

一著秦并七國爲四十郡又漢開河西朝鮮西南夷珠

崖圖

一著東漢十三部圖

一著晉十九州圖

一著唐十道圖

一著宋十五路圖

一錄十四省總圖

一著列宿分野圖

一分錄北直隸圖

一分錄江南圖

一分錄浙江圖

一分錄山西圖

一分錄山東圖

一分錄陝西圖

一分錄河南圖

一分錄江西圖

一分錄福建圖

一分錄湖廣圖

一分錄四川圖

一分錄廣東圖

一分錄廣西圖

一分錄雲南圖

一分錄貴州圖

一著黃河圖

凡二頁

一著濟河圖

一著大江圖

凡一頁半

一分錄九邊著外譯蒙古圖

起盛京至甘肅凡二頁半

一分錄著極北蒙古圖

起郭爾羅斯至西默德那凡二頁半

一著西北西域外譯圖

一著正西番西域圖

一分錄南海著外譯海國圖

起福建至雲南通西凡二頁

一分錄著極南海國圖

起古麻刺至瑣里凡二頁

一著東南海國外譯圖

一著正東東海海濱圖

一著東北朝鮮圖

一錄遼東又東北女直圖

一錄海內外總圖

原本爲圓圖者一今分繪東半球西半球二圖以合地球眞形

其說並見下笈此不更及

幅員賦

惟古聖承天仰觀而繼以俯察王公設險地利實勝于天時

易曰包羲之王天下也仰以觀於天文俯以察於地理又曰王公設險以守其國孟子曰天時不如地利

顧幅員袤廣按籍者每憚其煩今古推遷攷古者害稽其

地害音

曷

自北京東至開原一千七百里東至文登二千一百里
東南至福建同安七千四百里南至崖州一萬單八百
里西南至緬甸約一萬四千里西至黎州一萬一千五
百里西至肅州嘉峪六千里西北至大同九百里北至
萬全四百三十里東北至古北口二百里外國重譯所
至者東則日本去甯波萬里南及柯枝錫蘭山俱去廣
州三萬里西洋古里去中國十萬里北極天方凡匝歲
乃至又西學云地球九萬里分爲五州曰亞細亞曰歐

羅巴曰阿非利加曰北墨利加南墨利加一作墨瓦臘泥加此幅員之袤廣也古今沿革詳見後圖及下笈

欲列坤輿於掌上用爲標寘於圖中

坤輿地輿也二句入事

江河爲緯源西發而東歸山嶽爲經勢右高而左下

中國水源多發于西地勢西北高而東南下

故分地則二十四向而地脈惟南北兩支

二十四向十干十二支四維也地脈皆始于西而北支夾河南北南支夾江南北皆東放于海實四大支也詳見下笈

分壤而治必因乎大澤名山因地爲功猶異乎岡柔燥溼

岡同剛溼同濕

西北剛燥
東南柔溼

王者大無外之規四海一家八荒我闡侯甸布甸宣之治
今爲郡邑昔則州邦

古者九州萬國周稱千七百國
秦始廢爲郡邑今卽府州縣也

將詳郡縣之規姑舉封疆之略

以上總提大略以
下言各省封疆

京師

東倚渤海西接
恆山南至河

九郡星羅環滄海而擁太行枕燕然而襟河濟

順天永平河間皆濱海順德擁太行
燕然在口外○此總論京師之大勢

戈多炎兵

卷之四

宇內輿圖第六卷

六

眞保宣化地鄰三晉而列西藩順廣大名河洛襟喉而爲

南甸永平當山海之戶河間作齊魯之衝

分論京師九郡之形勢

縱衡千里而遙實古幽燕之境

縱平聲衡音橫燕平聲

西自井陘東至山海關一千三百里南自長垣北至萬全一千七百里此京師之疆域也在舜時爲幽州在周時爲燕國此沿革也

盛京

東拒鴨渚三面據海

地分兩郡倚長白以瑣雄關帶滄漠而裾鴨渚

長白山在開原北鴨渚江在開元東南

海蓋金復通旅順而南接三齊錦義廣甯扞京東而西連

山海遼海當朝鮮之道開原塞鎮北之門

金州復州皆地名旅順口在海城南義州地名遼海卽遼陽州鎮北關在開原北爲東北諸國入貢市之道○

分論二郡之勢

縱橫千里而遙爲古青營之域

自山海關東至開原一千二百餘里自鐵嶺南至旅順口七百三十里此盛京之疆域也舜分青北爲營州此沿革也

淮及震澤維江南

北踰淮南據震澤東負海西至霍山

一十八郡金陵龍蟠石城虎踞長江天塹列郡雲環

金陵在省城東南石城在省城西長江自安慶宿松入境至通州海門入海凡安池太和江鎮揚常八郡皆夾江淮楊蘇松四郡皆瀕海
○此總論江南之形勢也

徐鳳中原之會淮揚海右之衝安廬池太西鎖荆舒常鎮

蘇松南遮浙越徽郡實百城襟帶甯國據三吳上游

分論十四府之形勢

縱橫二千里而縮境跨揚徐

東自太倉海渚溯江西至宿松一千七百里南自吳江由水道北至徐沛界溝一千三百里自婺源陸道北至海州一千六百里此江南之疆域也淮以南為禹貢揚州潁亳徐宿邳海諸州皆古徐州

浙海震澤維浙江

北抵震澤東負海西至懷玉山南至仙霞

十有一府震澤爲池錢唐爲塹海隅之地南宋都焉

太湖在湖嘉二郡錢塘江卽浙江之委在浙省城南南宋都臨安卽杭州地○此總論浙江之大勢

嘉湖北控三吳溫處南通九閩會稽甬上東迫倭彝嚴睦

三衢右窺彭蠡金婺乃浙藩要地台州爲海陸饒區

會稽卽紹興甬上甯波也○此分論十一府之形勢

地不及千里而近畿分古越

自淳安東至海甯七百里自嘉興平望南至仙霞千里此浙江之區域也浙爲揚州南境在周爲越國此沿

革也

濟河海岱惟山東

東負海南望淮河西北踰濟至黃河古道

六府之地岱沂爲郭河濟爲池十二河山東隩要害

岱在泰安州沂山在蒙陰史記曰青齊之地十二山河隩海隅隩地也禹貢曰四隩既宅○此統論山東之大

勢也

兗州西連梁宋而南達徐吳東昌北走燕雲而右通趙魏
登萊環海之中實則遼陽控引青濟泰山以北而爲南北
咽喉

分論六府
之形勢

廣踰千里袤不及焉兗青徐三州接境

西自冠縣東至文登海上一千七百餘里自曹州東至
文登海上一千九百餘里自滕縣境北至德州北界八
百里自魯橋界水道北至德州北界一千里此山東之
疆域也濟以西北禹貢兗州岱以東北青州濟岱以南